



GODIŠNJI IZVJEŠTAJ
SEPTEMBAR 2019 – SEPTEMBAR 2020

1. HUMANITY IN ACTION SUMMER FELLOWSHIP

1.1. Humanity in Action Summer Fellowship u Sarajevu

U mjesecu januaru smo otvorili poziv za učešće na Humanity in Action ljetnim programima. Tokom istog mjeseca nastavili smo provoditi aktivnosti na promociji HIA Fellowship programa 2020, na društvenim mrežama, putem promotivnih video snimaka na našem YouTube kanalu. Promovisali smo program na lokalnim univerzitetima, slanjem službenih dopisa sa molbom za oglašavanje na svim javnim i privatnim univerzitetima u BiH, te lokalnim i međunarodnim organizacijama. Poziv za dostavljanje prijava bio je otvoren do 10.02.2020. godine. Nakon inicijalnog čitanja i provjeravanja formalnih kriterija prihvatljivosti pristiglih prijava, 20. februara 2020. godine u uredu smo organizirali čitanje aplikacija sa članovima_icama HiA BiH mreže. Izbor je narednu fazu selekcije sužen na 15 aplikanata, s kojima smo obavili intervjue. U procesu intervjuiranja pridružili su nam se članovi_ice HiA mreže: Alen Kerić, Nedima Džaferagić, Nikolina Sladojević, Saša Panić i Alma Tutić. Izabrano je 11 kandidata za učešće. Uslijed pandemije COVID-19 bili smo primorani otkazati Sarajevo Summer Fellowship, dok su drugi uredi organizirali program u online formatu. Ukupno 6 kandidata iz Bosne i Hercegovine je učestvovalo u HIA Summer Fellowship programima koje su organizovali drugi HIA uredi.

1.2. John Lewis Fellowship u Atlanti

Ovogodišnji John Lewis Fellowship u Atlanti ugostio je 22 učesnika među kojima su bili Sonja Kosanović iz Banja Luke i Kerim Hodžić iz Sarajeva. U toku četiri sedmice polaznici programa imali su priliku razgovarati s lokalnim stručnjacima, virtuelno su posjećivati muzeje i historijske znamenitosti. Stipendisti su dolazili iz različitih sredina - iz akademske zajednice, umjetnosti, aktivizma, itd. Na programu su imali priliku otvoreno da diskutuju, te su bili spremni da ispituju i ospore svoje lične predrasude u kontekstu ljudskih prava i solidarnosti.

1.3. Humanity in Action Fellowship u Berlinu

Na online Summer fellowshipu u Berlinu ispred BiH team-a su učestvovali Emin Fafulić iz Kaknja i Marija Karić iz Banja Luke. Fokus berlinskog programa bila je Vajmarska Republika, nacionalni socijalizam i period Hladnog rata. Berlinski program je ponudio

jedinstveni pejzaž sagledavanja socijalnih, kulturnih i historijskih sukoba koji su se odvijali u europskim demokratijama. Polaznici su imali priliku diskutovati oko pitanja identiteta i društvenog pluralizma.

1.4. Humanity in Action Fellowship u Amsterdamu

Nizozemska ima reputaciju liberalne, tolerantne i uzorne države koja štiti manjinska prava. Fellowship u Amsterdamu polaznicima je ponudio priliku da razmatraju da li je ta reputacija zaslužena, te da li se treba još raditi na zaštiti manjinskih prava. Fellowsi su imali priliku razgovarati o nacionalnoj historiji, periodu kolonizacije i Holokaustu. Na ovogodišnjem online programu ispred BiH učestvovali su Đorđe Dujković iz Doboja i Amela Brčaninović iz Živinica.

2. POTICANJE DEMOKRATSKIH VRIJEDNOSTI I AKTIVNOG GRAĐANSTVA MEĐU MLADIMA (PDVIAGMM), OSMI CIKLUS PROGRAMA, GENERACIJA 19/20

Nakon uspješno zaključenog sedmog ciklusa programa, gdje smo održali debatnu radionicu i Alumni konferenciju, u oktobru 2019. godine započeli smo osmi ciklus implementacije projekta „Poticanje demokratskih vrijednosti i aktivnog građanstva među mladima“, uz finansijsku podršku National Endowment for Democracy (NED) USA. PDVIAGMM program je prvobitno predstavljen na Desetom sajmu stipendija UNSA, gdje je mnogo studenata imalo priliku da se upozna sa programom i dobije sve potrebne informacije kako da se prijave za učešće. Program je također promovisan aktivno na Facebook stranici PDVIAGMM i na raznim online medijima/portalima. Poster i reklamni materijal su distribuirani na nekolicinu lokalnih fakulteta (Fakultet političkih nauka u Sarajevu, Ekonomski fakultet, Pravni fakultet, Pedagoški fakultet), a email pozivi su poslani svim Univerzitetima/fakultetima u BiH. Poziv za prijavu na učešće u programu bio je otvoren do 5. novembra 2019. godine, te smo zaprimili smo ukupno 41 prijavu.

Odabrano je 15 učesnika_ica iz svih krajeva BiH. Odabrani učesnici su bili: Ilma Zahirović, Nedim Mandžuka, Elma Kodro, Mersiha Čomor, Hana Sarajlić, Erma Kurtović, Lejla Mašić, Vanna Ćurin, Nikola Kandić, Amir Musić, Riad Arslanović, Emina Obradović, Anes Hodžić,

Emir Velić i Lamija Čelik. Kao i svake godine do sada, pozvani su kvalitetni univerzitetski profesori i predavači koji su svoje vrijedno iskustvo prenijeli na učesnike_ice programa.

2.1. Prvi edukacioni modul programa (07.12. 2019. – 15.12. 2019.)

U periodu od 07. do 15. decembra 2019. godine, u E-NET centru na Ekonomskom fakultetu Univerziteta u Sarajevu, implementiran je prvi modul programa “Poticanje demokratskih vrijednosti i aktivnog građanstva među mladima” uz finansijsku podršku National Endowment for Democracy iz SAD-a. Tokom devetodnevnog programa, učesnici su imali priliku razgovarati sa univerzitetskim profesorima, aktivistima, državnim službenicima, novinarima, kao i ekspertima iz oblasti poduzetništva i komunikacija. Prvi modul je okončan trodnevnom debatnom radionicom.

Prvi dan

Uvodno obraćanje prvog dana ovogodišnjeg programa započeo je dr. Jasmin Hasić koji je govorio o značaju programa, osnovnim pravilima i zadacima koji se očekuju od učesnika_ica. Tokom svog predavanja o izazovima s kojima se demokratski sistem suočava u današnjem društvu, dr. Midhat Izmirlija je sa učesnicima razgovarao o samoj definiciji demokratije, filozofskim konceptima koji čine osnovu demokratije, kao i mehanizmima za zaštitu ljudskih prava izraženim u ustavima i zakonima. Naredna predavačica je bila Leila Bičakčić, direktorica Centra za istraživačko novinarstvo (CIN), koja je nastavila program tako što je sa fellowsima razgovarala o djelovanju u javnom prostoru i istraživačkom novinarstvu. Sljedeći predavač bio je Dario Jovanović iz Koalicije za slobodne i poštene izbore - Pod Lupom, koji je govorio o izbornom zakonodavstvu u BiH i drugim zemljama, te je diskutirao o tome šta znači učešće mladih na izborima. Posljednja predavačica prvog dana bila je dr. Samira Nuhanović koja je govorila o tome šta znači biti poduzetan, na koji način sebe isprofilirati kao osobu, te koji su to preduslovi za lični rast i razvoj. Na kraju prvog dana učesnici_ice su imali priliku igrati “Human Bingo” energizer igru i dobro se zabaviti učeći zanimljive informacije o drugima.

Drugi dan

Drugi dan započela je Armela Ramić, advokatica iz Sarajeva, koja je govorila o studentskom aktivizmu, o vlastitim iskustvima iz prakse, istaknuvši da studenti trebaju aktivno učestvovati i ne biti pasivni. Kroz vlastita iskustva pokušala je prikazati i dati savjete kako da se djeluje na individualnom, ali i kolektivnom nivou. Naredno predavanje održala je Jasmina Banjalučkić iz Vijeća mladih FBiH, koja je govorila koja su to prava mladih u lokalnim zajednicama u BiH. Učesnici su imali priliku da razgovaraju sa gospođom Aišom Telalović koja je svoje predavanje koncipirala tako da ohrabri naše učesnike_ice da se obraćaju državnim institucijama, te je pokazala kako treba da se napiše dopis i zahtjev za pristup informacijama. Posljednje predavanje drugog dana bila je Hana Sokolović, freelance moderatorica i novinarka koja je prezentirala vezu između medija i politike, te je govorila o vještinama komunikacije sa medijima. Na kraju veoma intenzivnog dana fellowsi su se zabavili igrajući “Make it to the Holiday” energizer igru, koju je pripremila Veronika Kusyova.

Treći dan

Treći dan započeo je predavanjem prof. dr. Lamije Tanović, predsjedavajuće UO Fondacije HIA BiH, koja je razgovarala o važnosti demokratske kulture i demokratskog političkog obrazovanja, te zbog čega je važno biti aktivan u svojoj lokalnoj zajednici. Naredni predavač bio je Damir Šaljić iz Britanske ambasade u BiH, koji je predstavio strukturalne ekonomske izazove u postkonfliktnoj Bosni i Hercegovini. Kroz niz primjera i grafikona prikazao je gdje se BiH danas nalazi na ekonomskoj ljestvici, na koji način je moguće poboljšati ekonomsko stanje građana, te šta je potrebno učiniti da se životni standard podigne na veći nivo. Sljedeći predavač bio je prof. dr. Damir Kapidžić sa Fakulteta političkih nauka u Sarajevu koji je govorio o (multi)etničkom demokratskom predstavljanju u komparativnoj perspektivi. Marijana Markotić iz ureda UNDP-a u BIH vodila je radionicu o pisanju projektnih prijedloga. Učesnici su kasnije podijeljeni u tri grupe, te su radili na njihovim zasebnim idejama za mini projekte, koje su kasnije predstavili ostatku grupe.

Četvrti dan

Program je započeo sa prof. dr. Sabinom Čehajić-Clancy na čijem se predavanju razgovaralo o procesu pomirenja mladih u BiH. Profesorica je pokušavala učesnicima približiti kako je raditi na ovako jednoj osjetljivoj temi, dijelila je svoja iskustva i govorila je o poteškoćama na koje je nailazila kroz istraživanje procesa pomirenja mladih u BiH. Naredno predavanje održao je prof. dr. Dino Abazović sa Fakulteta političkih nauka u Sarajevu, te je govorio o dijalogu i toleranciji. Profesor Abazović naglasio je važnost uklanjanja predrasuda u etnički i vjerski raznolikim zajednicama, te potrebu za tolerancijom u tim zajednicama kao oruđem za razbijanje zabluda. Dr. Hikmet Karčić govorio je o značenju i značaju memorijalizacije u smislu tragičnih ratnih događaja, te je naglasio važnost nepristranih natpisa spomenika, kao načina ne održavanja daljnjeg sukoba. Na kraju predavanja učesnici su podijeljeni u grupe i dobili su zadatak da kreiraju spomenik za četiri tragična događaja iz ratnih vremena u BiH. Posljednje predavanje četvrtog dana održala je Ajna Jusić koja je govorila o radu udruženja „Zaboravljena djeca rata“ i njihovog borbi za prava „nevidljivih“ grupa u društvu.

Peti dan

Gospođa Marina Riđić govorila je o nekoliko važnih koncepata, poput odnosa novinara i političara iz obje perspektive, kupovine prostora za oglašavanje na različitim medijskim platformama, medijskog učinka i mogućeg uticaja koji se može postići blogovima i društvenim mrežama. Nadalje je govorila i o pravilima intervjuja i važnosti „davanja glasa“ manjinskim grupama u društvu zbog njihovog nedostatka ili vrlo male prisutnosti u medijima. Dijana Duvnjak iz Fondacije 787, održala je interaktivnu radionicu o komunikacijama i vještinama. Prvi dio je bio teorijski uvod u nastavak radionice, gdje su kasnije učesnici mogli da spoznaju i usvoje razne oblike komunikacije, te da prepoznaju šta je to što bi trebali da poboljšaju kod sebe. Sa Filozofskog fakulteta Univerziteta iz Istočnog Sarajeva pridružio nam se doc. dr. Vuk Vučetić, koji je motivirao naše studente da preispituju i kritički promišljaju o ulozi medija u bh. društvu, te kako su medijska i informacijska pismenost osnov djelovanja u javnom prostoru. Naredno predavanje održala je prof. dr. Nedžma Džananović sa Fakulteta političkih nauka u Sarajevu, koja je govorila o izazovima BiH u procesu EU integracija, o argumentima za i protiv ulaska BiH u EU. Posljednje predavanje petog dana održao je PDVIAGMM Alumnus Mahir Sijamija, koji je inspirisao

fellows kroz igru na ploči “(Ne) Glasam”, te pokazao kako se kreativni alati mogu koristiti u svrhu edukaciji mladih.

Šesti dan

Amina Imamović iz Sarajevskog Otvorenog Centra (SOC), sa fellowsima je razgovarala o inkluzivnom aktivizmu i borbi za ravnopravnost. Naredno predavanje i nastavak teme o važnosti inkluziji kao i važnosti znakovnog jezika nastavile su Ira Adilagić, Alma i Maida Mujanović iz “Znak za riječ”. Učesnici su imali priliku da uče jedni o drugima kroz radionicu psihodrama koje su održale Vedrana Rebić i Zvezdana Jakić, a se ticala identiteta i percepcije. Na kraju dana i u sklopu i PDVIAGMM programa, organizovan je “Anti-Radicalisation Advocacy Event”, na kojem je predstavljena studija nastala kroz istraživanje o percepciji radikalizacije kod mladih ljudi u BiH, Sjevernoj Makedoniji, Albaniji i Kosovu. Studija je dio inicijative “Jačanje otpornosti mladih protiv radikalizacije na Zapadnom Balkanu”. Studiju možete pročitati na linku: <https://www.humanityinaction.org/wp-content/uploads/2020/03/B5-Perception.pdf>

Sedmi dan

Program sedmog dana smo započeli sa filmom “What's this country called now?”, film Josepha Piersona. Imali smo čast ugostiti Aidu Čerkez, protagonistica i jedna od kreatorica filma koja je govorila o svom ličnom i profesionalnom iskustvu tokom rata u BiH kada je bila novinarka i reporterka Associated Press-a. Nakon filma, dr. Jasmin Hasić, HiA BiH, govorio je o metodologiji istraživanja, te o policy brief radovima koji će nastati individualnim istraživanjem u narednom modulu programa. Na kraju dana učesnici su fokusirali na početak (trodnevne) debatne radionice koju je vodila Ivana Kešić, program menadžerica iz CIVITAS-a BiH.

Debatne radionice

Do kraja devetog dana prvog modula učesnici su bili dio debatne radionice koju je vodila Ivana Kešić, iz CIVITAS-u BiH. Kroz visoko interaktivnu trodnevnu radionicu, gđa Kešić je prisutne upoznala s historijskim razvojem i oblicima debate. Učesnici su zatim upoznati sa debatnom formom Roberta Popera koji su nastavili koristiti u individualnom i timskom radu

kako bi razvili svoje sposobnosti kritičkog razmišljanja u izgradnji slučaja, a istovremeno su kroz prezentaciju prakticirali svoje govorničke vještine. Radionica je nastavljena sjednicama fokusiranim na objašnjavanje osnova britanskog parlamentarnog foruma rasprave, zatim rasprava, kao i nekoliko vježbi usredotočenih na prepoznavanje logičkih zabluda, poboljšanje stila govora i razvoj argumentacije. Tokom tri dana visokointenzivne radionice, fellowsi su učestvovali u četiri debate, istražujući teme vezane za ljudska prava i demokratiju koje su analizirane tokom prvih šest dana programa, te su naučili kako pristupiti tim temama s različitih gledišta.

2.2. Drugi modul programa: individualno istraživanje

Mentori na drugom modulu PDVIAGMM bili su HIA Senior fellowsi Amra Karčić, Marijana Markotić i Mahir Sijamija, koji je također i Alumni PDVIAGMM 2013/14 programa.

Članovi grupe Amre Karčić (Sarajevo Fellowship 2018) i teme koje su obrađivali:

- Elma Kodro – „Digitalizacija osnovnih i srednjih škola u Bosni i Hercegovini”
- Emina Obradović – „Uključivanje djece sa invaliditetom u škole u Bosni i Hercegovini“
- Erma Kurtović – „Prijedlog zakona protiv tjelesnog kažnjavanja djece u njihovim porodicama u Bosni i Hercegovini“
- Nikola Kandić – „Primjena umjetničkih tehnika i vještina u radu s djecom i mladima na temama suočavanja s prošlošću“
- Riad Arslanović – „Inkluzija djece sa autizmom u Bosni i Hercegovini“

Članovi grupe Marijane Markotić (Kopenhagen Fellowship 2012) i teme koje su obrađivali:

- Amir Musić – „Motivisanje građana da prestanu podržavati korupciju i da je prijave“
- Ilma Zahirović – „Rješavanje problema zagađenosti zraka u Sarajevu“
- Lejla Mašić – „Nedostatak pozorišnih aktivnosti među mladima u Brčko Distriktu“
- Anes Hodžić – „Putujuća biblioteka“
- Vanna Ćurin – „Deplastificarnje okoline kroz korištenje zakonskih regulativa“

Članovi grupe Mahira Sijamije (Sarajevo Fellowship 2018) i teme koje su obrađivali:

- Emir Velić - „Asistenti u nastavi za djecu sa autizmom u Kantonu Sarajevo ”
- Hana Sarajlić - „Mehanizmi podrške transrodnoj djeci u obrazovnom sistemu”
- Lamija Čelik – „Diskriminacija žena u IT sektoru”
- Mersiha Čomor – „Izmjena kurikuluma za građansko obrazovanje u srednjim školama HNK“
- Nedim Mandžuka – „Metode zaštite novinara od fizičkog nasilja u Kantonu Sarajevo”

2.3. Treći modul program: trening iz projektnog i finansijskog menadžmenta

Edukacijski trening u sklopu trećeg modula koji je bio zakazan za 26.03. otkazan je uslijed pandemije COVID-19, te smo u periodu mart - april organizirali nekoliko zoom sesija sa učesnicima gdje naučili osnove pisanja projektnih prijedloga. Trening u Neumu održan je od 28.05 - 31.05.2020. godine.

Dan 1: prvog dana učesnici su prezentovali svoje policy briefs. Svaki od učesnika je imao 15 min da izloži svoj rad, a nakon toga ostali učesnici su mogli da daju komentare i sugestije. Dan je završen brain-storming sesijom o temama za grupne projekte.

Dan 2: drugog dana radionice u Neumu učesnici su imali priliku da kroz primjer fiktivnog granta razmišljaju o tome kako bi projekat izgledao, te na koje komponente treba da se obrati pažnja. Primjer je podrazumijevao primjenu stečenog znanja sa zoom predavanja Mahira i Veronike. Nakon vježbe, učesnici_ice su se podijelili u četiri grupe.

Dan 3: trećeg dana učesnici su radili na osmišljavanju i pisanju projekta koji će implementirati kao završni dio PDVIAGMM programa. Učesnici su podijeljeni u grupe, a unutar svake su napravili raspodjelu uloga na projektnog koordinatora, finansijskog menadžera, PR menadžera i nekoga ko će pisati narativni izvještaj.

2.4. Četvrti modul programa: implementacija grupnih projekata

Meni je ovako svaki dan (Emir Velić, Hana Sarajlić i Vanna Ćurin) - u jeku pandemije COVID-19 došli su na ideju da naprave film, sa osobama kojima je život izolacija - osobe koje imaju određene teškoće. Film su koncipirali tako da snime dio sa osobama koje imaju

teškoće, kojima je život izolacija, te sa osobama koje su u toku pandemije bili primorani ostati u kući. Više o projektu: https://www.humanityinaction.org/action_project/just-another-day/?lang=bs

Iza maske (Lamija Čelik, Mersiha Čomor, Nikola Kandić i Nedim Mandžuka) - njihov građanski aktivizam ogledan je u iscrtavanju murala na popularnoj lokaciji u Sarajevu, koji je posvećen žrtvama nasilja, te su kreirali i video koji je posvećen ovoj tematici. Više o projektu: https://www.humanityinaction.org/action_project/mask-out/

Let's Cook Together (Riad Arslanović, Lejla Mašić, Ilma Zahirović i Amir Musić) - njihova kampanja je fokusirana na organiziranje kulinarskog festivala sa ljudima u pokretu iz raznih država, te na taj način su promovisali specijalitete drugih naroda. Više o projektu: https://www.humanityinaction.org/action_project/lets-cook-together-festival/

Pobjegni o birokratije (Anes Hodžić, Elma Kodro, Erma Kurtović i Emina Obradović) - kreirali su escape room, koji je zasnovan na potrazi dokumenata kako bi zamišljena osoba mogla napustiti BiH. Ova igra pokazuje komplicirani bh. administrativni aparat. Više o projektu: https://www.humanityinaction.org/action_project/escape-the-bureaucracy/

2.5. Peti modul programa: medijska promocija

Nakon uspješne implementacije grupnih projekata, učesnici su uz medijsku mentoricu i predavačicu na programu Hanu Sokolović do kraja augusta 2020. godine radili na intenzivnoj medijskoj promociji rezultata vlastitih projekata, te gostovali u više desetina televizijskih i radio emisija, te objavili tekstove o svom radu na nizu portala.

Višemjesečni rad i edukacija učesnika uspješno je kompletiran debatnim turnirom, alumni konferencijom i obilježen svečanom ceremonijom 14.09.2020 u Sarajevu.

Debatni turnir: <https://www.humanityinaction.org/event/edvacay-debate-tournament-2020/>

Alumni konferencija: <https://www.humanityinaction.org/event/edvacay-alumni-meeting-2-0/>

Ceremonija dodjele cetifikata: <https://www.humanityinaction.org/event/edvacay-2019-20-closing-ceremony/>

2.6. Promocija programa PDVIAGMM u Banja Luci

Od 23. do 25. septembra 2020. godine, projektna koordinatorica Zarja Marković i Daniel Lazarević su posjetili Banja Luku s ciljem promocije novog ciklusa projekta „Poticanje demokratskih vrijednosti i aktivnog građanstva među mladima“. U toku tri dana održani su sastanci s mnogim profesorima i dekanima Univerziteta u Banja Luci (Fakultet političkih nauka, Pravi fakultet, Filozofski fakultet, Filološki fakultet), te nevladinih organizacija poput Oštra nula, IN Fondacija, FES, Centar za zaštitu životne sredine i centra za mlade Zdravo da ste. Više informacija na: https://www.humanityinaction.org/news_item/edvacay-program-promotion-in-banja-luka/

3. BOLD ACTION

Ambasada SAD-a u BiH, u saradnji sa Humanity in Action BiH i američkom organizacijom Prismatic, su pokrenuli projekat za mlade lidere_ke, između 18 i 30 godina, kroz koji mogu da unaprijede svoje poslovne i druge vještine na trodnevnoj intenzivnoj radionici koja će biti pokretanje mreže mladih lidera širom BiH. Radionica se održala između 16. - 18.11.2020. godine obilježile su sesije fine-tuninga preduzetničkih ideja učesnika, te se radilo na njihovim pitching vještinama. U cilju što boljeg izlaganja učesnici su imali priliku svoje ideje prezentirati u Kino Meeting Point. Tri najuspješnija projekta su dobila sredstva i podršku od Ambasade SAD-a u Sarajevu. U toku radionice kreirano je pet projekata:

GRAD – Green Roof Action Development (Adla Kahrić, Sema Čorbo, Amina Hažiemrić, Milica Končar i Božidar Tomić) - projekt ima za cilj povećanje broja zelenih površina u gradovima, počevši od Sarajeva. Uz povećanje estetike, svako zasađeno drvo/zelenilo doprinosi smanjenju PM čestica u zraku i istovremeno služi kao platforma za podizanje ekološke svijesti kod građana. Više informacija:

https://www.humanityinaction.org/action_project/bold-action-grad-green-roof-action-development/

Me and My Municipality (Melika Balihodžić, Rešid Dževdetbegović, Amer Kurtović, Sanel Bašić, Almedina Husejnagić i Emina Hamzić) - cilj je povećati svijest srednjoškolaca i

znanje o lokalnoj samoupravi pružajući im online edukativne izvore koji će se koristiti u nastavi, te eventualno uključiti gradivo iz udžbenika o demokratiji i ljudskim pravima. Korisnici projekta uključuju i desetine srednjoškolaca u šest općina u Bosni i Hercegovini (Doboj – Istok, Donji Vakuf, Kakanj, Novo Sarajevo, Tuzla i Velika Kladuša) koji u okviru svog kurikuluma imaju predmet demokratija. Ovih šest općina je odabrano jer učesnici_ice dolaze iz pomenutih općina. Kako bi se osigurao najširi mogući ishod, projekt će se provoditi za sve učenike koji pohađaju predmet demokratije u ovim općinama. Zbog rasta samog projekta i drugi učenici/studenti koji pohađaju predmet demokratija kasnije će imati priliku koristiti beneficije iz dobijenih rezultata. Više informacija:

https://www.humanityinaction.org/action_project/bold-action-me-and-my-municipality/

#demandculture (Amra Čolić, Selma Ibrenkić, Azra Dizdar, Đorđe Dujković, Amina Šaćić i Harun Čehović) - shvataju umjetnost kao moćan medij za premoštavanje neslaganja u BiH. Kao društveno odgovorna inicijativa, usredotočuje se na zajednice koje imaju najmanje kulturnih događaja. Više informacija:

https://www.humanityinaction.org/action_project/bold-action-demandculture-project/

Zaposlime.ba (Enna Zone Đonlić, Nina Jašarević-Husić, Yusuf Nurray, Omar Memišević i Iman Azganović) - ciljevi projekta su usporiti odlazak mladih iz BiH, stvoriti atraktivno online mjesto za poslodavce i za one koji traže posao. Povezati korisnike s drugim zainteresiranim za pokretanje vlastitog online biznisa. Više informacija:

https://www.humanityinaction.org/action_project/zaposli-me/

EduLab (Amna Tuzović, Alem Hamzić, Lejla Omerović, Sara Sitnić i Selma Rajkić) - EduLab je internetska platforma koja usklađuje rad i obrazovanje, te ima za cilj da se odnosi na tri glavna korisnika a to su studenti, profesori i poslodavci. Ciljevi projekta su poboljšanje vidljivosti učenika i praktičan uvid na današnje tržište. Prikazivanje mladim zaposlenim koje su to vještine koje im nedostaju nakon završenog fakulteta, te stvaranje stručnog mladog kadra koje će biti konkurentno na tržištu. Više informacija:

https://www.humanityinaction.org/action_project/bold-action-edulab/

Implementacija projekata je uslijed pandemije COVID-19 kratko stala, ali je nastavljena u virtuelnom prostoru.

4. IGRE MEDIJA, IGRE INFORMACIJA

U sklopu HIA aktivnosti implementirali smo projekat koji je podržan kroz grant Evropske unije i MediaCentra Sarajevo. Program je imao za cilj edukaciju mladih ljudi u Bosni i Hercegovini o značaju medijske i informacijske pismenosti u njihovom radu i javnom životu kroz upotrebu inovativnih i interaktivnih edukativnih alata – igara na ploči. Program se trebao sastojati od trodnevne radionice koja se trebala održati u Sarajevu u martu mjesecu, gdje je 9 učesnika_ica trebalo kreirati tri različite igre na ploči fokusirajući se na različite edukativne aspekte podizanja svijesti o vještinama medijske i informacijske pismenosti među građanima BiH. Naredna planirana faza bilo je pilot testiranje u gradovima širom BiH. Poziv za prijave su bile otvorene do 13. februara 2020. godine. Zaprimljeno je 55 prijava, te je izvršena selekcija od 15 kandidata_kinja za učešće. Naknadno je odustalo dvoje kandidata, te je program završen sa brojem od 13 učesnika_ica. Pripreme su išle planiranim tokom, te smo zakazali datume održavanja radionice za 20. do 22. mart 2020.godine. Odabrani učesnici su bili: Emir Velić, Ajša Džindo, Mirnes Ćerimović, Minja Čulić, Melisa H.Mehmedović, Ivana Zelenika, Ena Čaušević, Nejra Lilić, Riad Arslanović, Omer Muminović, Rebeka Matičević, Lejla Mašić i Maida Filipović. Uslijed pandemije COVID-19, morali smo prilagoditi aktivnosti, te smo ih preselili u online sferu. Tako smo od inicijalnog plana i kreiranja tri igre na ploči, organizirali u saradnji sa programerom da učesnici rade na online igrama.

4.1. Trodnevna online radionica kreiranja igara

Online trodnevnu radionicu održali smo u periodu od 11. do 13. maja 2020. godine. Podijelili smo je na taj način da prva dva dana učesnici_ice su imali predavanja iz informacijske i medijske pismenosti, a trećeg dana je započela radionica kreiranja i stvaranja igara.

Prvi dan

Prvi dan smo započeli uvodnim obraćanjem dr. Anide Sokol, iz Mediacentra u Sarajevu koja je poželjela dobrodošlicu svim učesnicima_icama. Nakon uvodnog obraćanja predavanje je održao dr. Vuk Vučetić sa Filozofskog fakulteta Univerziteta u Istočnom Sarajevu koji je govorio o ulozi i značaju medijske pismenosti u Bosni i Hercegovini. Predavanje je bilo koncipirano na način da se uvodni dio odnosio na medije kao pokretače društva, te je akcentirao zašto su mediji važni. Nadalje, predstavljeno je pet koncepata medijske

pismenosti. Ovo izlaganje je potaklo učesnice_ice da kritički promišljaju o ulozi medija u bh. društvu, te kako su medijska i informacijska pismenost osnov djelovanja u javnom prostoru. Drugo predavanje tog dana održala je Marina Ridić, sa Al Jazeera Balkans, koja je govorila o ulozi i značaju medijske pismenosti u društvenim odnosima. Predavanje je bilo fokusirano na to zašto su problematični medijski sadržaji često prisutni u medijima, nadalje bilo je govora o dezinformacijama i provjeri informacija, te o sigurnosti djece na internetu.

Drugi dan

Drugi dan smo započeli sa Mahirom Sijamijom koji je govorio o informacijskoj i medijskoj pismenosti, te fenomenu lažnih vijesti. Kroz Mahirovo predavanje učesnici_ice su dobili širu sliku o fenomenu lažnih vijesti, alatima za prepoznavanje i provjeru lažnih vijesti, te ostale oblike medijske manipulacije koji su prisutni. Naredno predavanje održala je Hana Sokolović, reporterka i novinarka N1 televizije. Ona je govorila o odnosima medija i politike.

Treći dan

Fokus trećeg dana i predavanje Ivane Kešić, program menadžericom CIVITAS BiH, koja je predstavila igre koje su dostupne i izvodive u online formatu, te smo započeli kreativni proces

kreiranja igara. Učesnici su podijelili u tri grupe i u periodu od 14. do 29. maja 2020. godine, uz mentorisanje Ivane Kešić, kreirali tri igre koje smo dalje prosljedili programeru na rad.

4.2. Implementacija kreiranih igra i testiranje

Razolav (Nejra Lilić, Riad Arslanović, Lejla Mašić, Rebeka Matičević i Omer Muminović) - Razolav je igrice koja se odvija na karti Bosne i Hercegovine, gdje se karta dijeli na 25 slagalica, koje su ocrtane tako da obuhvaćaju 25 najmnogoljudnijih gradova u BiH, zajedno sa općinama koje prirodno gravitiraju ka tim gradovima. Svaka slagalica nosi određena pitanja i izazove sa ponuđenim odgovorima, a odgovore slijede bodovi i kazne. Posljednja slagalica je ona na kojoj je označen grad Sarajevo te zbog simbolike glavnog grada, ostaje zaključana do samog kraja. Razolav se igra sa dva ili više igrača, odnosno timova. Igrači/timovi prvobitno biraju boju kojom će igrati. Potom nasumično jedan igrač započinje igru. Nakon što igrač/tim izabere regiju u formi slagalice, klikom na regiju dobija pitanje na

koje odgovara. Pojavljuje se pitanje na koje igrač/tim ima 45 sekundi da odgovori, u protivnom po isteku vremena smatra se da je igrač/tim dao netačan odgovor. Zatim protivnik dobija potez i priliku da odgovori na pitanje. Ukoliko je prethodni igrač/tim dao netačan odgovor, suparnik može da bira novi grad i odgovara na pitanje ili da bira grad kao prethodni igrač i na taj način sa tačnim odgovorom preuzme sve regije koje je suparnički igrač/ekipa imali u svom posjedu. Takmičenje na ovaj način može da se odvija do kraja, te kao zadnje pitanje ostaje regija Sarajevo, gdje je pobjednik igrač sa osvojenih više teritorija. Više informacija: <https://www.humanityinaction.org/igre-medija-igre-informacija-razolav/>

Mediatlon (Ajša Džindo, Mirnes Čerimović, Minja Čulić i Emir Velić) - Naziv Mediatlon je nastao kao spoj dvije riječi tj. media (lat. medius – srednji, u sredini) i atlon (gr. athlos – takmičenje). Igra je osmišljena s ciljem promicanja i poticanja vještina kritičkog razmišljanja, koje omogućuju ljudima da promišljeno biraju medijske sadržaje koje će pratiti. Mediatlon sadrži četiri kategorije: tačno/netačno, višestruki izbor, kviz (miks pitanja različitog formata) i budi urednik (procijeni kredibilitet vijesti). Ova igra se može igrati u single player modu, gdje igrač unosi ime, nakon čega bira “kreiraj sobu”, potom odgovara na pitanja iz četiri kategorije a naposljetku se prikazuje rezultat sa brojem tačnih odgovora. Nakon odigrane partije, igrač može podijeliti ID kod koji se nalazi u gornjem desnom uglu (npr. ancient-goose-28) i na taj način se takmičiti sa drugim igračima. Drugi igrač se pridružuje sobi ponovnim pokretanjem igrice, unošenjem svog imena, klikom na “pridruži se sobi” i kopiranjem koda. Igra završava odgovaranjem na pitanja, te naposljetku se prikazuje rang lista igrača koji su koristili isti ID kod. Više informacija: <https://www.humanityinaction.org/igre-medija-igre-informacija-mediatlon/>

Medirint (Melisa H.Mehmedović, Maida Filipović, Ivana Zelenika i Ena Čaušević) - Medirint istovremeno mogu igrati dva igrača a kroz labirint se krećete uz pomoć strelica na tastaturi. Bacanje kockice odlučuje koji igrač je prvi na potezu. Oba igrača bacaju kockicu, a igrač, koji je bacanjem kockice dobio veći broj, prvi dobija šansu da započne svoju šetnju do cilja. Svako polje je označeno pitanjem, a od polja sa pitanjem se može nastaviti u dva smjera. Nakon što je igraču postavljeno pitanje, ponuđena su mu i dva odgovora, od kojih je samo jedan tačan. Tačan odgovor igraču omogućuje da se zadrži na polju na kojem se trenutno nalazi. Da bi nastavio dalje, igrač bacanjem kockice mora dobiti paran broj. Ukoliko nakon bacanja igrač ne dobije paran broj, drugi igrač je na potezu. Dakle, za napredovanje do sljedećeg pitanja, te postepeno napredovanje do cilja, osim davanja tačnog odgovora, igrač

mora dobiti parni broj na kockici. S druge strane, ukoliko igrač da netačan odgovor biva vraćen na početak. Ukoliko se igrač u momentu davanja netačnog odgovora nađe na sretnom polju koje je obojeno narandžastom bojom, igrač je spašen od vraćanja na START. U ovom slučaju, igrač ukoliko ne da tačan odgovor dobija zamjensko pitanje, koje mu daje priliku da, uz tačan odgovor i paran broj na kockici, pređe na naredno polje. Ukoliko igrač i na zamjensko pitanje ne da tačan odgovor biva vraćen na start. Pobjednik je igrač koji prvi dođe do cilja. Više informacija: <https://www.humanityinaction.org/igre-medija-igre-informacija-medirint/>

4.3. Pilot testiranje igara i medijska promocija

Učesnici_ice su imali zadatak da obave pilot testiranje i da organiziraju najmanje jednu zoom sesiju sa svojim vršnjacima, te da na taj način pokušaju da dobiju što bolji feedback o samom učinku igrica. Komentari koji su se odnosili na igre su većinom bile tehničke prirode, te je većina izjavila da je ovakav vid edukacije koristan i da ima potencijal da se koristi u narednom periodu. Obavljeno je 14 fokus grupa, i u toku samog testiranja preko 1,400 igrača je odigralo jednu od tri igrice. Koordinator projekta Daniel Lazarević medijski je promovisao program, pojavivši se u 9 gostovanja. Pored toga niz portala je objavilo igre i pozivalo bh. građanstvo da se pridruži testiranju. Više informacija:

https://www.humanityinaction.org/news_item/hia-bih-projektini-koordinator-promovisao-u-bh-medijima-projektat-igre-medija-igre-informacija/

4.4. Final event programa „Igre medija, igre informacija“

U Historijskom muzeju 28. augusta 2020. godine, uz sve preporučene epidemiološke mjere održali smo ceremoniju zatvaranja prve faze projekta „Igre medija, igre informacija“, gdje su nam se imali priliku obratiti neki od predavača ali i učesnika. Prezentovali smo postignute rezultate u prethodnom periodu, te smo najavili drugu fazu uz finansijsku podršku OSF BIH i NED USA, kako bi sproveli inicijalni plan kreiranja tri igre na ploči. U narednom periodu učesnici_ice su uz mentorstvo Ivane Kešić radili na razvijanju igara na ploči koje će biti dostupne u online formatu. Više informacija:

https://www.humanityinaction.org/news_item/event-prezentacija-rezultata-projekta-igre-medija-igre-informacija/

5. LIDERKE.BA

Liderke.ba je inicijativa koja vjeruje da liderke trebaju biti vidljive lokalno, ali isto tako povezane i inspirisane od strane globalnih lidera i inicijativa koje se uspješno suočavaju s višestrukim izazovima ovog stoljeća. Ovaj projekat podržan je od German Marshall Fund. Inicijativa za žensko inkluzivno liderstvo pruža transformativno iskustvo koje ženama omogućava leaderske kompetencije i vještine kroz pristup mentoriranju, njeguje duh saradnje i povećava snagu ženskog glasa. Liderke.ba promovira i omogućava povećanje rodne raznolikosti u javnoj sferi, korporativnim odborima, obrazovanjem i povezivanjem s postignutim liderima. Održano je niz zoom sesija gdje se raspravljalo na ovu temu, a više informacija na: <https://www.humanityinaction.org/bosnia-herzegovina-programs/female-inclusive-leadership-initiative-liderke-ba/>

6. NOVI PROJEKTI

6.1. #gameEscape

Novi projekat koji ćemo implementirati u narednom periodu pod nazivom gameEscape, podržan od strane Britanske Ambasade, UNFA i Fondacije Mozaik. Program će okupiti 12 mladih ljudi iz cijele BiH, koji će raditi zajedno na kreiranju inovativnih edukativnih alata - 3 društvene igre na ploči i sobi za bijeg. Novokreirane igre će adresirati različite aspekte tranzicijske pravde, pomirenja i izgradnje povjerenja u BiH. Više informacija:

<https://www.humanityinaction.org/gamescape/?lang=bs>

6.2. Gamechangers

Ovaj obrazovni i participativni projekat u narednom periodu će da koristi inovativni obrazovni alat - društvene igre za uključivanje i obrazovanje mladih u BiH o rodnoj ravnopravnosti i osnaživanju žena i djevojaka, u kontekstu građanskog i demokratskog angažmana unutar različitih lokalnih zajednica i u drugim sferama javnosti -izrada politike.

Više informacija: <https://www.humanityinaction.org/game-changers/?lang=bs>

6.3. Cyber Safety and Literacy

Projekat podržan od Federalnog ministarstva obrazovanja i nauke ima za cilj edukaciju u vidu poludnevni edukativnih radionica/treninga u Sarajevu, Tuzli, Zenici i Mostaru, koje će voditi 2 iskusna certificirana trenera za medijsko opismenjavanje. One će uključivati predavanja i praktične vježbe o aspektima medijske i informacijske pismenosti sa naglaskom i edukacijom o opasnostima u cyber prostoru. Više informacija: <https://www.humanityinaction.org/cyber-safety-and-literacy/>

6.4. Nove demokratske žene i muškarci zapadnog Balkana

Kroz projekat ‘Nove demokratske žene i muškarci zapadnog Balkana – Povećavanje učešća mladih u demokratiji’ koji podržava Višegrad Fund, Humanity in Action Bosna i Hercegovina će, zajedno sa partnerskim organizacijama iz Poljske, Crne Gore, Slovačke, Sjeverne Makedonije, Mađarske i Češke Republike, povećati svijest o demokratskim procesima među mladima zapadnog Balkana i povećati učešće mladih u procesima kreiranja politika.

Kroz projekat učesnici će:

- uključiti se u stvarna i aktuelna različita politička pitanja koja predstavljaju izazove u njihovim zemljama;
- rješavati probleme s kojima se suočavaju građani koji su modelirani na osnovu stvarnih problema u društvima;
- učiti o važnosti liderstva, organizacije i uključenja u lokalni i nacionalni aktivizam, i prilagoditi svoje znanje i vještine kako bi mogli postati aktivni građani koji promovišu demokratiju.

Više informacija: <https://www.humanityinaction.org/the-new-democratic-women-of-the-western-balkans/>

6.5. Supporting Democratization and Reconciliation Process in the WB

Kroz regionalnu saradnju organizacija iz 6 zemalja zapadnog Balkana – Albanije, Bosne i Hercegovine, Češke, Mađarske, Poljske i Slovačke, ovaj projekat koji podržava Višegrad fond ima za cilj podržavanje procesa demokratizacije i pomirenja u regionu angažovanjem i povećavanjem kapaciteta mladih stručnjaka i novinara iz šest zemalja zapadnog Balkana za jačanje povjerenja i napora na izgradnji mira u njihovim društvima. Više informacija:

<https://www.humanityinaction.org/podrzavanje-procesa-demokratizacije-i-pomirenja-na-zapadnom-balkanu/?lang=bs>

7. Humanity in Action mreža polaznika

Senior Fellowka Berina Porča (Sarajevo Fellowship 2019) u saradnji sa mladim filmskim stvaraocima iz Dorseta, Devona, Londona, Bosne i Hercegovine, Italije i Sudana okupili su se kako bi prikazali svoje dokumentarne filmove na radionici filma i aktivizma u Bridportu, u Velikoj Britaniji, u sklopu Međunarodnog festivala kratkog filma za mlade. Ova faza projekta „Promjena priče“ uključuje besplatne umjetničke radionice, rasprave koje izazivaju mišljenje i pozitivne akcije za društvene promjene. Berina Porča bila je dio ekipe IZAZOV, koja je na King's College Londonu prezentirala svoj dokumentarni film.

Senior Fellowsi Kerim Hodžić (John Lewis Fellowship 2020) i **Emin Fafulić** (Berlin Fellowship 2020) su u sklopu implementacije Action projekata, u saradnji s Omladinskim Pokretom Revolt, realizirali projekat pod nazivom "Stazama budućnosti". Cilj je osvijestiti mlade ljude o položaju Romske populacije u Bosni i Hercegovini, ali i kako doći do konkretnih koraka koji će omogućiti poboljšanje njihovog položaja i prilika. Kroz petodnevni niz edukativnih predavanja, diskusija i radionica učesnici_ice su imali priliku da uče o rasizmu, diskriminaciji, medijskom prostoru koji im se pruža, te o preprekama u obrazovanju sa kojima se mlade Romkinje/mi suočavaju.

Senior Fellowka Nedima Džaferagić (John Lewis Fellowship 2016) osmislila je i okončala implementaciju svog Action projekta u saradnji sa Makerspace Tuzla. Makerspace Tuzla je prvi kolaborativni prostor koji daje tehničku podršku mladima u realizaciji njihovih ideja, pružajući edukaciju, mentorstvo i pristup ekskluzivnoj IT opremi. Zajedno sa Ajdinom Ahmetovićem iz Makerspace-a, Nedima je održala dvije dvodnevne edukativne radionice osnova programiranja za osnovnoškolce i srednjoškolce Doma za djecu bez roditeljskog staranja Bjelave u Sarajevu.

Kako ti je preko? (Amra Mešić - Sarajevo Fellowship 2018., Nikolina Sladojević - John Lewis Fellowship 2019. i Iva Ivanković - PDVIAGMM 2018.) - rade niz podcasta sa mladim ljudima koji su otišli izvan granica BiH. Svoju online promociju su imali 24.09.2020. godine putem zoom aplikacije, gdje su najavili niz videa koje će objaviti sa pričama mladih koji su napustili BiH. U nastavku možete pogledati YouTube kanal:

<https://www.youtube.com/channel/UCVK250BB7I0P0j3QyxhEv-w>

Više informacija na: https://www.humanityinaction.org/action_project/whats-it-like-for-you-over-there/

Izronit će stari (Melisa H.Mehmedović - PDVIAGMM 2018., Nejra Lilić - PDVIAGMM 2019., Minja Čulić PDVIAGMM 2019.) - Projekat „Izronit će stari“ bavi se pitanjem kulturne baštine i njene uloge u postdejtonskoj BiH. Njihovo centralno pitanje se odnosi na to da li obnova Ferhat-pašine džamije u Banja Luci, Starog mosta u Mostaru, te Vijećnice u Sarajevu, produbljuju međuetnički razdor među mladima u BiH ili je obrnuto? Film je premijerno prikazan u HomeWork hubu 28.09.2020. godine. Film je dostupan i može se pogledati na Youtube. Više informacija o projektu:

https://www.humanityinaction.org/action_project/izronit-ce-stari/

BiH u pokretu (Tajra Hadžić - PDVIAGMM 2019., Ajla Keško - PDVIAGMM 2019. i Hata Kujraković - PDVIAGMM 2019.) - Ciljevi ove nove kampanje su podsticanje drugih na učenje znakovnog jezika uz promociju turističkih vrednota Bosne i Hercegovine, inkluzija osoba sa oštećenjem govora i sluha, te povećanje broja video snimaka na znakovnom jeziku kojima će se poslati transnacionalnu poruku o BiH kao inkluzivnom društvu. U sklopu projekta „Pokaži mi priču“ nagradile su tri najbolja videa. Više informacija:

https://www.humanityinaction.org/action_project/show-me-a-story-pokazimipricu/?lang=bs

Cards of Understanding (Ivana Kulić - Amsterdam Fellowship 2019., Emir Zukić - PDVIAGMM 2019.) - kreirali su igru pod nazivom „Karte razumijevanja“, koja je fokusirana na zaštitu ženskih prava, te educiraju igrače o problemu privilegije kroz prikazivanje različitih formi diskriminacije žena u društvu. Igra je koncipirana sa ciljem da igrače upozna koliki uticaj naš identitet i pripadnost različitim grupama imaju na prilike za obrazovanje, zaposlenje, političku participaciju i druge ključne svakodnevne situacije. Ima dva špila karata. Jedan špil sadrži 23 karte koje predstavljaju različite grupe žena, dok drugi špil sadrži 10 karata koje predstavljaju neke od životnih situacija. Igrači trebaju identifikovati koji su to mogući oblici diskriminacije ili uznemiravanja koje ta specifična grupa žena može doživjeti tokom te situacije koja inače ne bi predstavljala problem drugim privilegovanim osobama. Svoj projekat su promovisali u Sarajevu i Banja Luci, gdje su učesnici imali priliku da diskutuju na ovu temu.

Više informacija: https://www.humanityinaction.org/action_project/cards-of-understanding/

COVID-19 PODCAST Mahira Sijamije (Sarajevo Fellowship 2018.)

Naše prvo izdanje Humanity Talks Podcast-a sa fokusom na mentalno zdravlje i komunikaciju. Senior Fellow Mahir Sijamija je razgovarao sa Dijanom Duvnjak o komunikaciji u vrijeme krize u kojem se nalazimo, te o tome koliko nam je komunikacija značajna i kako se ponašati samoizolaciji. Podcast možete poslušati na sljedećem linku:

<https://www.youtube.com/watch?v=hWfGChva-2o&t=5s>

Tokom mjeseca aprila nastavili smo Humanity Talks podcast. U drugom izdanju podcasta smo ugostili Ivanu Kešić iz CIVITAS-a, govorila je o online obrazovanju, demokratiji, aktivnom građanstvu, dotakla se i tema kao što su medijska pismenost, umjetnost i humor u jeku pandemije COVID – 19. U trećem izdanju podcasta Mahir Sijamija je razgovarao sa našim Senior Fellowom Samirom Beharićem o tome kako su bh. studenti ostali „zarobljeni“ u stranim zemljama usljed pandemije, te da li je BiH studentima pružila adekvatnu pomoć.

Drugo i treće izdanje možete poslušati na:

https://www.youtube.com/watch?v=ao-hXWkPPOI&feature=emb_title

https://www.youtube.com/watch?v=SnUdv6QmHC4&feature=emb_title

Senior Fellow Mahir Sijamija na Academy for Women: Mostovi između lokalnih vlasti i lokalnih aktivista - Akademija za žene, uz podršku Savezne vlade Republike Njemačke, organizuje višemjesečni program neformalnog obrazovanja o političkoj pismenosti podijeljen u 4 modula za mlade u BiH. Na posljednjem četvrtom modulu među predavačima su bili dr. Jasmin Hasić, HIA BiH izvršni direktor i HIA Senior fellow Mahir Sijamija. Dr. Hasić je tokom svog predavanja sa učesnicima programa razgovarao i diskutovao o organizovanju u lokalnim zajednicama, te kako planirati, implementirati i promovisati građanske kampanje i inicijative čiji je krajnji cilj jačanje uloge lokalnih zajednica u BiH u donošenju društveno korisnih odluka. HIA BiH Senior fellow Mahir Sijamija je koncipirao svoje predavanje tako da su učesnici i učesnice programa učili o značaju političke i građanske participacije, te da promišljaju na drugačiji način o aktivnom i pasivnom građanstvu među mladima. Mahir je učesnicima pokazao kroz interaktivni alat “Board game – (Ne) Glasam”, koji je kreiran na Sarajevo Fellowshipu, te je pokazao kako se može na zabavan način razviti interes za političke procese u BiH.

8. OSTALE AKTIVNOSTI

HiA konferencija u Berlinu

Konferenciji u Berlinu koja se održala oktobru 2019. godine, prisustvovala su Zarja Marković, HIA projektna koordinatorica, Berina Porča i Alma Hasanbegović, fellowke sarajevskog programa. Konferencija je bila fokusirana na jačanje kapaciteta organizacija civilnog društva u borbi protiv antisemitizma, te druga pitanja vezana za community organizing. Agenda je bila koncipirana kao tip otvorenog formata gdje su Senior Fellowsi mogla da diskutuju o gorućim pitanjima a koja se odnose na temu konferencije, te da podijele svoja iskustva, razmišljanja i perspektive. Sesije su vodile Linnea Riensberg, HiA Germany Board Member.

Sastanak iz oblasti medijske i informacijske pismenosti

U februaru 2020. godine, smo prisustvovali sastanku aktera u oblasti medijske i informacijske pismenosti, koji je organizovan u saradnji sa Fondacijom Mediacentar Sarajevo i Fakultetom političkih nauka Univerziteta u Sarajevu. Na sastanku je nastavljena rasprava koja je započeta na sastanku institucija i organizacija aktivnih u oblasti medijske i informacijske pismenosti u decembru 2019. godine na inicijativu Regulatorne agencije za komunikacije (RAK), čija je svrha bila razmjena iskustava i informacija o planiranim aktivnostima svih pozvanih aktera u oblasti medijske i informacijske pismenosti za 2020. godinu, te diskusija o inicijativi Agencije za obilježavanje Evropske sedmice medijske pismenosti u drugoj polovini marta 2020. godini kao i modalitetima saradnje u budućnosti. Prisutni su također raspravljali o prijedlozima za način rada neformalne mreže aktera.

HiA BiH Team at "Preventing Youth Extremization - Experiences and Perceptions" Expert Workshop

Melisa H. Mehmedović i Hata Kujraković (PDVIAGMM fellowke) učestvovala su na radionici preventiranja ekstremizma među mladima koja se održala u Albaniji. Predstavile su rezultate istraživanja provedenog u sedam različitih gradova širom BiH u okviru prve faze

projekta o percepciji radikalizacije mladih iz BiH , te podijelile vlastita razmatranja na ovu temu.

European Project in the Western Balkans Regional Conference

Jasmin Hasić je učestvovao na panel diskusiji na temu: „Europska nova dinamika! Čemu se regija Zapadnog Balkana može nadati?“ koji je održan u hotelu Vučko na Jahorini. «The European Project in the Western Balkans Regional Conference» je organiziran od strane Friedrich Ebert Stiftung. Cilj konferencije bio je okupiti parlamentarce iz zemalja Zapadnog Balkana, EU parlamenta sa mladim iz regije i razgovarati o budućem proširenju Europske Unije prema Zapadnom Balkanu, te olakšati umrežavanje mladih naprednih ljudi širom regije ali i šire.

Konferencija "Kako podržati mlade u korištenju medija današnjice?"

HIA BiH team je prisustvovao konferenciji “Kako podržati mlade u korištenju medija današnjice?” čiju su realizaciju podržali Mediacentar Sarajevo i Transitions iz Češke Republike. Konferenciju je uvodnim riječima otvorila izvršna direktorica Mediacentra Maida Muminović, nakon čega su se prisutnima obratili g. Tihomir Loza iz Transitions-a, te Njegova Ekselencija Jakub Skalnik, ambasador Češke Republike u BiH. Konferencija je uključivala dvije panel diskusije i prezentaciju tokom kojih su istraživači medija, psiholozi, novinari i urednici, te stručnjaci za medije, društvene mreže i obrazovanje, govorili o dinamiци i aspektima medijskog okruženja, te o važnim pitanjima poput zaštite sigurnosti i privatnosti, online nasilja i dezinformacija. Naša Senior fellowka Anida Sokol je učestvovala u realizaciji konferencije kao panelista i moderator u diskusiji “Mogući odgovori na rastuće potrebe za medijskim opismenjavanjem mladih” na kojoj se razgovaralo i o zanimljivim primjerima i inicijativama, te pokazalo kako omogućiti mladima u BiH da sigurno i odgovorno koriste medije i postanu medijski i informacijski pismeni građani.

HiA BiH na Prvim Regionalnim danima novinarstva

HIA BiH Senior fellows Anida Sokol i Mahir Sijamija su učestvovali u panel diskusiji na “Prvim regionalnim danima novinarstva”, koje su organizovali Civil Rights Defenders-a (CRD), gdje su se brojni novinari i medijski djelatnici iz zemalja zapadnog Balkana okupili

da tokom dva dana konferencije razmijene znanja i da razgovaraju o izazovima s kojima se susreću. Pored naših fellowsa, na panelu su učestvovali Mirna Buljugić iz Balkanske mreže istraživačkog novinarstva (BIRN BiH), koja je i redovni gost na HIA BiH edukativnim programima. U okviru dvodnevne konferencije upriličene su panel diskusije, tematski sastanci i radionice koje su vodili istaknuti medijski stručnjaci, te specijalizirani master trening o istraživanju i izvještavanju o korupciji.

HIA BiH team na "Forumu omladinskih lidera"

U sklopu 4. godišnjice Hoću.ba – info platforme za mlade, MUNJA Inkubator je organizovao specijalni jednodnevni Forum omladinskih lidera. HIA BiH team je učestvovao na Forumu, koji je bio sjajna prilika za mlade posjetioce da se поближе upoznaju sa konceptom liderstva i načinima kako lobirati i zastupati svoju poziciju, a ujedno se i bolje pozicionirati na tržištu rada i lakše napredovati u karijeri. U toku programa Foruma predstavljene su aktivnosti info platforme Hoću.ba, održana je panel diskusija “Chat o liderstvu” sa iskusnim liderima iz raznih sfera života, diskusija o studentskoj praksi i zapošljavanju sa predstavnicima akademske zajednice, biznisa i studentskih organizacija, te radionica o biznis vještinama i poslovima budućnosti.

HIA BiH na "BiH i EU: Šta sad?"

HIA BiH tim je prisustvovao okruglom stolu koji su organizovali Paneuropska unija Bosne i Hercegovine i Fakultet političkih nauka Univerziteta u Sarajevu. Okrugli sto su činili ambasador Osman Topčagić, predsjednik Panevropske unije BiH, prof. dr. Sead Turčalo, dekan Fakulteta političkih nauka Sarajevo, te Johann Sattler, EUSR i šef Delegacije EU. Moderator je bila dr. sci. Nedžma Džananović Miraščija, profesorica na Fakultetu političkih nauka UNSA. Nakon uvodnog izlaganja prof. dr. Turčala, ambasador Topčagić je iznio zaključke analize šta je to do sada uradila BiH na putu ka sticanju statusa članice EU, te je iznio prijedloge direktno upućene BiH i EU, pozivajući na zajednički rad kako bi što lakše i brže premostili put do ulaska u EU. G. Johann Sattler je u svom izlaganju napravio usporedbu između susjeda Albanije i Sjeverne Makedonije, uporedivši njihove uložene napore na putu ka EU, sa onima koje je napravila BiH, jasno pozivajući vlasti da je vrijeme da se performira ukoliko želimo postati punopravna članica EU. Nakon toga prostor je otvoren za pitanja prisutnih.

Panel diskusije

Direktor Humanity in Action BiH ureda učestvovao je na „Thursday Talk“ panelu na temu COVID – 19 i promjenama u međunarodnim odnosima. Panel je održan 23. aprila u organizaciji Bosnia and Herzegovina Association for United Nations, zajedno sa Adnanom Huskićem sa SSST i Ivanom Marić. Drugi panel na kojem je direktor HiA BiH učestvovao bio je pod pokroviteljstvom Vanjskopolitičke inicijative u BiH u saradnji sa Friedrich Ebert Stiftung BiH, a Jasmin Hasić je bio jedan od glavnih komentatora na predstavljanju analize „Vanjske politike država Zapadnog Balkana – usklađenost sa vanjskom politikom EU“ autorice prof. dr. Nedžme Džananović Mirašćije sa Fakulteta političkih nauka u Sarajevu.

Panel diskusija: "Kako unaprijediti održivost migracija u BiH"

HIA BiH team je učestvovao na panel diskusiji, koju je organizovao Fridrich Ebert Stiftung u sklopu projekta "Kako unaprijediti održivost migracija u BiH". Panel diskusiju su realizirali istaknuti akademici koji su činili istraživački tim. Teme panel diskusije, kojoj su prisustvovali predstavnici resornih ministarstva i institucija u BiH, nevladinog sektora, Udruženja poslodavaca FBiH, kao i članovi istraživačkog tima, su faktori koji potiču migracije, njihove posljedice, kao i uticaj na održivost ekonomije i sektora javnih usluga. Cilj panela je ispitati, između ostalog, koja je potencijalna migracijska populacija, kakvi su stavovi populacije u BiH naspram migracija, kao i stavovi ljudi u emigraciji u pogledu interesa i perspektiva povratka i njihovog prijenosa stečenih znanja i investiranja u pokretanje poduzetništva u BiH.